

錢塘縣志卷之二十二

錢塘縣知縣南樂魏嶮纂

人物 文苑

古稱三不朽一曰立言文也者言之屬也錢唐地靈  
人傑實產異才自三國六朝丁褚而下郁郁賔賔稱  
極盛已嗚呼標榜盛而實學衰謏聞起而影響衆若  
馬扶風鄭康成之徒今有其人乎鮑謝應劉風雅間  
作王楊盧駱駢偶稱長凡具古人之偏者擴藝林之  
譽者例皆得載焉志文苑

錢塘縣志

卷之二十二

人物文苑

一

吳

丁誦 時尚門閥而誦地族寒微與陽羨張秉烏程吳粲雲陽殷禮並有時名顧劭拔而友之爲立聲譽以並陸全之列仕吳至典軍中郎將

晉

褚陶 字季雅少而聰慧以墳典自娛年十三作鷗鳥水碓二賦見者奇之陶嘗謂所親曰聖賢備在黃卷中舍此何求吳平召補尚書郎張華見之謂陸機曰君兄弟龍躍雲津顧彥先鳳鳴朝陽謂東南之寶已盡不意復見褚生仕至中尉卒宋時有褚含褚邊皆其後裔

齊

宋廣之 字處深喜清談初顧權著三名論以正四本之失時賢並爲論難而廣之獨爲精詣

唐

章孝標

元和進士下第作歸燕詩上考官庾承宣與知舉侍郎鄭愚唐百家詩載其集子碣登進士

亦能詩唐時錢塘子以詩名者惟孝標父子

宋

錢昆

字裕之儵之子登進士第累遷至三司度支判官歷知七州治尚寬簡以秘書監致仕卒年七十六

昆善為詩賦又善草隸有文集十卷

楊大雅

字子正十歲作雪賦稍長日誦書數萬言端拱二年乙科登第咸平三年交趾獻犀大雅獻犀

賦召試學士院明年上書獻所為文二十餘萬言乃直集賢院歷二十五年不遷或笑其違世自守大雅難曰吾不學乎世學乎聖人吾之所有不敢以薦於人而嘗自獻於天子矣天僖中奉使淮南按部過金

錢塘縣誌

卷之二十二

人物文苑

二

陵江上遇風冠服盡失丁謂遣人遺衣一襲大雅不受宰相王欽若亦不悅雅晚與陳從易並知制誥出

知亳州卒所著有文躬儉約不妄進取人稱其為雅幼孤自立刻苦為文躬儉約不妄進取人稱其為

有德君子泊濬人

錢易

字希白年十七舉進士御試三題日中而就易以其輕俊黜之然自此以才藻知名太宗語蘇易

簡曰朕恨不與李白同時易簡曰今進士錢易為歌詩殆不下白上欲用唐故事召至禁林值盜起劍南

遂寢咸平二年再舉進士甲科為光祿寺丞通判蘄州上疏乞除非法之刑帝嘉納其言景德二年舉賢

良方正科除秘書丞擢翰林學士卒易才思敏瞻數千言援筆立就真宗封泰山獻殊祥錄祀汾陰命修

車駕所過圖經獻宋雅一篇易歌詩有義山長吉體而俊逸過之又善行草書有金閨瀛洲西垣制集一

微志十卷青雲總錄一百卷洞

錢明逸

字子飛舉才識兼茂科父子三人皆中制科世以爲榮累官翰林學士卒贈禮部尚書諡修懿

沈遼

字睿達邁弟也少好學傲睨一世讀左氏班固書少摹倣之輒近似乃鋤直縱舍自成一家長於詩

歌尤工翰墨王安石曾布皆學其筆法安石得其清勁布得其真楷趣操高爽不喜進取登第後遊京師

偶爲人書裙帶內侍買入禁中神宗初嗣位勵精求治見之不悅會遣使察訪兩浙就以諭之時遼爲吳

縣令遂遭劾王安石救之不能釋乃坐削籍後卜居池陽築室曰雲巢好事者多往遊焉遼追悔平生不

自貴重悉謝棄少習杜門隱几間作爲文章雄偉綺鍊曾鞏蘇軾黃庭堅皆與唱酬然竟不復起元豐末

卒所著有雲巢編

韋驥

字子駿生而警敏年十七以文謁王安石安石甚稱許之曰吾行江南入吳越見文士唯子與董固

行耳由是名籍盛每一賦成學者傳誦既登進士累官利州路運判移福建路年饑議請賑貸驥以去京

錢塘縣誌

卷之二十二

人物文苑

遠不及上書待報乃檄州縣發廩而自請違法之罪於朝閩盜險阻爲州縣患吏畏怯爭言招納驥曰是

爲民稔患因處畫斬捕方畧咸就捕部內肅然召爲主客郎中出爲夔州路司憲知明州提舉洞霄宮卒

驥樂易靜退孝友廉平文章藻麗所著有韋先生集二十卷賦二十卷

周邠

字開祖嘉祐八年登進士第熙寧間蘇軾字少章與邠唱所謂周長官者是也

楊蟠

字公濟章安人貫杭州登慶曆六年第嘗作錢塘百咏詩歐陽修讀其集有詩云蘇梅久作黃泉客

我亦今爲白髮翁卧讀楊蟠一千首乞渠十月與春風王安石有答蟠書曰讀足下之文但知畏之願造

讀所聞蘇軾守杭蟠爲郡丞與軾倡酬平生爲詩數千篇後知壽州提點荆廣鑄錢卒

周邦彥

字美成疎曠少檢不爲州里推重而博涉百家言元豐初遊京師獻汴都賦萬餘言神崇異之

命侍臣讀於邇英閣召赴政事堂自太學諸生一命爲正字五歲不遷益肆力於詞章出教廬州知溧水

縣遷為國子主簿哲宗召對使誦前賦除秘書正字  
歷校書郎考功員外郎兼議禮局檢討官至徽猷閣  
待制出知順昌府彥工文章妙音律其樂府盛  
行於世自號清真居士有清真集二十四卷

### 吳天秩

字平甫幼聰悟勤苦該洽學者多從焉姿性恬  
退不嗜榮利杜門著書幾二十年後薦補太廟

齋郎不赴授大庾尉辭再調浮梁  
尉到官逾年歿有文集五十卷

### 張雯

字子昭其先浚儀人南渡居錢塘力學嗜書所居  
臨市衢構樓藏書尤精於律呂每眾坐聞樂輒俯

首嘖蹙曰吾其不免乎於時宋亡故官老校猶有存  
者從之問宋遺事朝廷宗廟宮室車輿朝會宴享生  
殺咸得其詳所著書曰繼潛錄書畫補遺墨記子田  
亦工文詞田子肯少從金華宋濂學所為詩文精麗  
有法尤長於南詞新聲

### 汪元量

字大有為詩感慨有氣節嘗以善琴受知紹陵  
宋亡從三宮北去留燕甚久時故宮人王清惠

## 錢塘縣誌

## 卷之二十二

### 人物文苑

## 四

張瓊英皆善詩相見輒共涕泣或至文文山狼當所  
作拘幽十操文山倚歌和之元主聞其名召入鼓琴  
一再行乞為黃冠歸塘與故宮十八人釀酒城隅  
哀音哽亂淚下如雨既歸往來庄廬彭蠡間若飄風  
行雲莫能測其去留之跡自號水雲子有水雲集量  
自奉使出疆三宮去國所歷故都遺跡可喜可詫可  
驚可哭者皆收於詩劉辰翁馬廷鸞目曰詩史

### 元

### 錢惟善

字思復博學能文章長於毛氏詩至正辛卯舉  
於浙其所羅剎江賦為世所稱官至儒學副

提舉莆田陳衆仲雲間  
夏溥序其詩文稿行世

### 楊載

字仲弘其先自浦城徙家錢塘載少孤事母孝博  
涉羣書年四十以布衣召為國史院編修官延祐

二年舉進士為浮梁別駕改寧國府推官載為詩文  
以氣為主黃文獻公評其文博而敏直而肆尤以

詩名家人問作詩法答曰詩當取材於漢魏取音節於唐人多宗之與虞集揭傒斯范梈並駕齊名世稱

虞楊范揭云洪武初祀於杭鄉賢祠

**楊燮**

字彥常登進士第官至翰林學士以古文詩見重於臺閣工篆隸真楷張伯雨自負詞翰名然自以

及為不

**仇遠**

字仁近元初為溧陽州儒學教授工詩文一時遊其門者若張伯雨張翥莫維賢皆有名當時所著

有山村集批註唐百家詩選洪武初祀杭鄉賢祠

**張翥**

字仲舉其先晉寧人父為吏官杭州鈔庫副使因家焉翥少負才豪放不羈好蹴踘喜音樂不以家

業屑意父憂之翥一旦翻然改業謝客讀書晝夜不暫假受經學於李存得道德性命之說多所研究復

從仇仁近學詩盡得其聲律之奧遂以詩文鳴於時及門甚眾翥勤於誘掖絕去崖岸用是學者樂親炙

錢塘縣誌

卷之二十二

人物文苑

五

之有質經義者必歷舉眾說為之折衷辨論至元末以薦起家累官翰林學士承旨封潞國公致仕卒年

八十二翥長於詩其近體長短句尤工無子多散佚者僅有樂府律詩各三卷又嘗集兵興以來死節死

事之人為書曰忠義錄

**劉濩**

字聲之其先莆田人占籍於杭劉汶字師魯宋鄜王錡六世孫二先生俱以德行文文章淑後進洪武

初皆祀學鄉賢祠

**張昱**

字光弼元季官浙省左右司員外郎十居壽安剛簡亮達左丞楊完者提兵鎮江浙時光

畧叅謀其軍府事一時聲望赫然既上敝衣糲飯著書賦以自逸所居湫隘自署

蓋自擬晏子云後室敝友人凌彥冲為募貲以輯之

**白斑**

字廷玉博綜經史詩文一主於理嘗著西湖賦二篇考據精核紫陽方回劉辰翁稱其詩過陶韋書

副提舉柳仕至浙江儒學

明

高得暘

字孟升，洪武間以文學薦授臨安縣學教諭。陞高州府學教授，永樂初召為宗人府經歷，纂修

大典為副總裁，進講春宮，博學洽聞，詩文純雅，名重一時。所著有節菴集、姚廣孝嘗稱其詩韶濩，迭奏綺

組雜陳，江漢奔流，曲折千里，而不可遏，洵一代之奇作云。

白范

字以中，號西塘，才敏，學贍，詩格清奇。仕至黃州府同知，所著有虛室集。

俞友仁

字文輔，洪武初設科，發解浙省第一。工詩書，亦俊逸，仕至校官卒。

瞿佑

字宗吉，學博，才瞻，風致俊朗，少不為其父所知。鄉人張彥復自福建檢校回，家佑父殺雞具酒待之。

佑年十四，適自學舍歸，彥復指雞為題，佑應聲賦之。彥復大加稱賞，手寫桂花一枝，并題其上，以贈佑父。

錢塘縣誌

卷之二十二

人物文苑

六

遂構傳桂堂，一時名人凌彥冲、丘彥能、吳敬夫輩與為忘年友。一日，楊廉夫訪之，出所作香奩八咏，佑悉

和之，廉夫曰：「此瞿家千里駒也。」洪武中以薦授仁訓，導轉臨安教諭，陞周府右長史，師道振舉，輔弼有

法，永樂間以詩禍，編管保安，久之釋歸。復原職，年八十卒。所著有春秋貫珠詩經正葩、閱史管見、鼓吹

續音存齋詩集

盧浩

好古博學，其為詩如不經心，天然超詣，流輩罕及。

莫維賢

字景行，洪武初為府學訓導，好學能詩，築別業於靈隱天竺間，繞屋栽杏，號曰杏園。日與騷人

墨客游泳其中，時人比之輞川。所著有廣莫子稿。

梁建中

早嗜伊洛之學，復有志於文辭，下筆滔滔，數百言皆典雅溫厚，絕不以聲牙侷為奇。一時士

大夫皆稱譽之，金華宋濂序其文集，濂門人稱建中刻苦好學，老而不倦，以比漢之袁公業云。

王羽 字儀之 洪武庚午舉鄉試第一 二十四年登進士

蔓子宗賢鄉貢進士 仕淮府長史

陳贄 字維成 自餘姚徙錢塘 洪武間以薦授府學訓導

之官至太常少卿 所著有自怡容臺諸稿

王洪 字希範 洪武三十年進士 以文學授翰林當開國

時秉筆者位在洪上 洪持正不阿 至欲載其家乘瑞

會大 宗伯奉勅巡行關陝 凡部事悉命洪敷論事

詳明 朝廷方屬意重用 而竟以末疾不起 年僅四十

名號 五才子 所著有毅齋詩文集 八卷 行於世

錢塘縣誌

卷之二十二

人物文苑

王榮 字希仁 永樂中以乙榜進士 授全椒學訓導 陞淮

敏捷 為文不屬稿 數千言立就 有西漢氣骨 立朝五十餘年 聲實並著

俞和 字子中 澹安恬隱 居不什能 詩喜書 翰工 趙文

徐伯齡 字延之 博學強記 洞曉音律 尤工樂府 嘗雜集

而協所著有蟬精集二十卷

馬洪 字浩瀾 以辭賦擅名 東南清修苦節 授徒以給養

一時名士 每過從 出游衣冠 雜集車從 都雅洪獨葛

巾草履高步 其間人望之 昂然若野鶴 之在鷄羣 詩

吳鼎 字維新 少慧嗜學 以文章雄一時 正德丁丑進士

出 有大曆風致 詞調尤極妍麗 每一篇

游情鼎削裁便決以辨治稱屬武宗南巡侍衛騎從  
數十百萬縣次續食有權貴人鼓焰先驅非分需索  
鼎愛民持不與遂觸其怒因呼挺挺令鼎銳身先吏  
民當之吏民爭前衛鼎反擊傷權貴人事聞逮詔獄  
嘉靖初始釋復原治歷南刑兵二部郎遷廣西叅議  
不赴鼎伉厲守高魁然負氣以直節著沉涵六籍旁  
覽百氏爲文法西京所著有泉亭文集子遵晦進士  
山東按察司副使侃侃直亮類其父時又有高讓王  
正道常貞何敬皆錢塘人博  
學工詩文俱負文章重名

**許應元**

忤分宜久之出知夔州府興學勸士輯和民獠每低  
徊三閭少陵遺跡彬彬儒雅稱儒吏焉已遷四川憲  
副改廣西誅三巨獠敏游心藝林爲文宗西京與李  
轉右使卒元自幼穎敏夏文愍目爲錢塘才子所著  
何起衰復古爲武林倡夏文愍目爲錢塘才子所著  
撰有漪堂水部等集弟應亨字子夏爲詩具六朝初

**錢塘縣誌**

**卷之二十二**

**人物文苑**

**八**

唐風味海內稱二許子次紆能嗣其業孫  
惠一舉進士應亨子仲譽萬曆辛卯舉人

**田汝成**

述爲文沉涵濃郁有東漢齊梁風尤善爲記事  
書纏纏多雅致兩爲督學使者盛有文譽在閩尤得  
士心有田叔禾集西湖流覽志行世杭士自弘正來  
揚聲藝苑者  
汝成爲最

**田藝衡**

字子菽汝成子以貢教授應天博學善屬文自  
弱冠以詩賦著聲海內名公爭交驩焉所著前  
後正續集數十卷雜著數十種多聞好奇世以比之  
成都楊慎爲人高曠磊落不可羈擧至老愈豪朱衣  
白髮挾兩女奴坐西湖花柳丁客至卽  
其座酬倡斗酒百篇人又擬爲謫仙云

**楊祐**

字汝承少英敏博學年十八領鄉薦八年始成進  
士改翰林庶吉士明年出知興國屢遭讒忌時起  
時蹶歷官湖廣按察司僉事以暴疾卒於官年纔四  
十餘耳當是時北地信陽以古文雄視西土而大江



以南則故翰林江瀾叅議吳鼎共祐後先崛起初祐  
 之上計京師也鼎嘗作叙送之以爲賈生明國體匡  
 衡富經術不是過也祐亦獨喜自負爲文章奔放凌  
 轢若飈起泉湧其才氣沈雄岸偉旁不見曹伍然亦  
 以此見忌身不安位而年不竟才世共惜之所著有  
 端居興國西曹郵城濟南西江湖上荆南諸集藏家  
**洪澄** 字靜夫少善文以孝廉官中書舍人詔誥雅瞻  
 大學士商輅深重之以孫瞻祖貴贈如其官  
**方九叙** 字禹蹟號十州少卽嗜古工文長與海內諸名  
 家倡和甚有聲釋褐除兵部主事守山海關明  
 習邊務將率憚之葺倉貯穀散種食於民不徵其息  
 比代闔郡號哭擁馬首不得行僞留傳舍乘夜間去  
 積官知承天府性抗毅直行屢忤巨璫遂投劾歸益  
 討故業易綺麗入冲雅爲人高朗善論事負經濟之  
 才不究其用  
 世共惜之

**茅瓚** 字邦獻少時夢神人授二巨字文曰見滄因以爲  
 號讀書寶奎寺山巔始至夜雷雨大作崖崩數十  
**錢塘縣誌**  
**卷之二十二** 人物文苑  
**九**

丈獨所居無恙質明露見滄二大字蓋故鑱宋理宗  
 御書適與夢符中戊戌第一甲一名歷南北祭酒禮  
 部侍郎兼學士加太子賓客賜服  
 仙鶴飛魚以吏部左侍郎引歸

**周詩** 字興叔嘉靖己酉舉鄉試第一丙辰成進士令南  
 陵任丘皆有惠政歷官都給事太常寺少卿右通  
 政詩詞藻綺天才俊逸  
 銳精藝苑傲睨一世

**吳之鯨** 字伯裔文才俊爽高自標置每一脫稿輒付剗  
 刷或規之曰吾以防散逸耳與吳大山稱江臯  
 二俊太史馮夢禎學僉黃汝亨相友善所著詩文甚  
 富萬曆己酉舉於鄉數上春官不第謁選得浮梁令  
 甫六月卒所著有武林  
 梵志十卷閻閣詩一卷

**沈守正** 字無回萬曆癸卯舉於鄉謁選得黃巖教諭遷  
 國子監博士擢都察院司務守正高才博學詩  
 文俊爽喜爲蘇白體黃汝亨胡嘉能咸推許之郡守  
 季某俾其子弟師事焉台卒課海澨郡守丞縮守無

文俊爽喜爲蘇白體黃汝亨胡嘉能咸推許之郡守  
 季某俾其子弟師事焉台卒課海澨郡守丞縮守無

策叅政張師繹單騎入台守正伏謁道左師繹曰劇  
孟在此吳楚無憂正為設方畧殲大憝解株連口不  
言功中丞  
益重之

### 聞啟祥

字子將博綜羣書尤工制舉業武林東南都會  
江廣閩越之士登賢書者公車到武林必質義

於祥品題甲乙命梨棗曰行卷制義之有行卷自祥  
始萬曆壬子舉於南雍嘗與吳郡李流芳同與計吏  
入京師已及國門忽意不自得趣車徑返後屢以薦  
被徵悉辭不赴性好延納每庀舟車飭厨傳宴會賔  
客若置驛然所著有自娛齋  
稿弟啟禎子淡明亦有聲

### 丁奇遇

字孟嘉萬曆聞古學寢衰業舉子者相戒蓄經  
史覩牙籤錦軸陳書數十篋則詆詞為宦成物

荒陋成習奇遇勵志復古與聞啟祥虞宗瑤宗玫嚴  
調御武順敕創讀書社一月數會性孤異作文謝華  
振秀務為奇雋讀禮記疑其註未善覃精晰義嘗至  
夜分心有感觸拍案狂呼曰始得聖賢意嘗乘舟入

## 錢塘縣誌

## 卷之二十二

人物文苑

十

苕溪與二三門人列坐搦管為人代草故事忽耳中  
有聲謂人曰如此疾雷耶未及答顧視左耳則血從  
裂縫中出衣若染茜漸昏迷  
不省病數年卒有集十卷

### 吳杉

字松侶自鹽官徙錢塘杉少敏捷才氣奔放天啟  
丁卯舉於鄉年止十八清姿玉立望傾流輩是歲

杉族兄太冲舉於應天冲宿負盛名屢躋始達而杉  
以童年與之角勝風流文采照耀江表博習典故遂  
主齊盟三上春官不得意而歸一夕卒兄冲哭之哀  
曰松侶神清體弱遽爾徂謝斯人不壽乃文運之厄  
非止家門不幸也家貧恥于謝人不壽乃文運之厄  
雖被詞責無幾微忤意所著有松侶自怡集

### 湯之奇

字釋常少穎悟四歲就外傳讀書目數行下比  
一年即能振筆作文語多奇峭不屑襲前人

字句先生長者矜異之萬曆戊午舉於鄉後官太平  
府兼署江防事時流寇蹂躪梁豫間之奇設方畧擒  
其渠魁餘悉解散督上下糧餉所過立辦兵食以  
濟尋陞江西瑞州知府未至官憂居家閤門謝

客會浙撫疏薦以疾堅辭遂罷築室東園名曰蓬菴  
讀書灌町課子姓其中所著有蓬菴類二十卷孫右

曾文譽冠當代戊辰成  
進士今任吏部侍郎

### 鄭之惠

字孔肩一名圭父炳太倉倅嘗舉一子曰之瀚  
殤呼天而號夢登高丘有帝者憑玉几授以圭

拜而出見殿壁榜書勅十人抹之瀚名易以之惠炳  
不解後生男遂名之惠既而又曰神授我圭遂更名

圭少補博士弟子員穿穴典故精研經史遂為士林  
所推十一入棘闈以貢士為校官擢平樂令適平樂

有汰軍事軍譁不解之惠單車叩壁壘宣朝廷意事  
遂定僅以常格轉州守未幾謝州守命告歸子鉉有

異才為諸生甲申聞都城  
變慟哭出門不知所終

### 張元徵

字夢珠元徵生時母夢龍含一珠授之遂字夢  
珠生而穎異更折節讀書早歲喪母從父遠學

晝夜參悟豁然有得遂與鄭之惠齊名北面受業者  
益衆武林屈指經明行修之儒無不以二家為標的

## 錢塘縣誌

## 卷之二十二

人物文苑

十一

久困諸生一試京兆為遂安方閣學逢年所知已而  
得乙及折副卷嘆曰嗟乎吾生平服膺元徵手其文

不置而竟坐冬烘耶年且六十以明經令平遠平遠  
在萬山中民未知禮元徵時時從博士弟子說詩書

講社學懸筆楚於堂示  
不忍用民益愛戴之

### 翁開之

字叔朗貌軒軒若霞舉天啟甲子舉於鄉  
閉戶讀書不與事著述甚富惜失傳

### 丁允和

字叔介天啟丁卯舉浙江鄉試性和而介安貧  
自樂雖衣敝履穿恬如也以文章顯於時與翁

開之齊名時有孝  
廉二君子之目

### 沈繼震

字子起少質直父置書膝上教督之繼震跪而  
受教及長周規折矩不踰尺寸為諸生四十年

非試於有司不公謁亦未嘗一牘至郡縣門弟子束  
脩外不妄收一錢病妻弱女四壁蕭然支一足鐺以

繼旦夕力學嗜書尤長於春秋窮老無子寢疾  
猶吟咏不輟晚更名曙張高士遂辰為作傳

施莊

字康夫居紫陽山少貧力學性穎異為諸生試輒

之延上座莊衣大布衣着高齒屐踞客座高談今古  
燭跋不使去因謂人曰施生貧焉巖成進士而莊屢踏  
也烏傷傳巖奇其才以妹妻焉巖成進士而莊屢踏  
省門不見收設館鳳山之陽戶外履恒滿武林號為

學 施氏

何萃

字翰亦少孤力學與施莊友崇禎間兩中副車已

武庫甲兵今朝廷急士當及鋒用之會為忌者所阻  
免歸亦設館鳳山之麓武林從游者曰何氏學所著  
有古今治平畧補廿一  
史彙纂類法篇諸書

潘之淇之淙

之淇字爾瞻為諸生屢上有司輒報罷乃  
捐去俗學斐然有志於述作嘗曰能讀不

能悟說鈴空濫觴能知不能行跛躄如瘡瘍於孝經  
小學易春秋尚書詩禮各有著為詩古文皆有法度

錢塘縣誌

卷之二十二

人物文苑

十二

之淙字無聲與兄之淇自相師友家貧移書就寺燈  
讀之終夕不寐以詩文名當世學者稱為二潘先生

淙子士韶  
亦有文名

吳之龍

字雪門歛人生有異資讀書一目十行下治春  
秋八歲已完二傳即工詩稍長遊武林遂居錢

塘從學使葛寅亮講學湖南業日進時有英流之目  
屢蹶不售遂絕意進取謁選得光祿丞與米友石劉  
半舫諸名鄉日唱和詩迅發老健性豪邁不樂繩束  
還隱西湖結竹閣社四方詞人無不歸之瘦筇過頂

白髮飄然人謂地行仙人  
子山濤崇禎巳卯舉人

馮廷槐

少參自南兄子博洽羣籍下筆英邁自成一家  
晚年自稱二酉山人不復求進著武林近事

卷十

傳齡文

字長質禮部主事巖長子巖狗金華之難命齡  
文前行得不死俄而有傳其父及兩弟俱死者

齡文欲反走視之人勸曰如以肉投餒虎耳何益齡  
文泣曰天下有無父之人乎得侍先人九原文之志  
也已而兵亦去歛父弟骨權葬於山中遂棄諸生奉  
其母歸杭藜藿不充蓬頭垢面者且十年而卒齡文  
少為諸生善詩古文喪亂後作詩多  
以敗筆書壁間客舍人爭相傳誦

### 虞宗瑤

字仲皜吏部淳熙次子幼慧好學與兄宗玫閉  
戶下帷自相師友玫字大赤豐軀偉貌生時

面如紅玉故名為人樸訥罕事文飾而瑤則英敏爽  
朗每發議輒解人頤與友交初甚落落久乃益篤一  
友馮玫聞病將死謂其家曰吾貧不能殯將往死於虞  
氏瑤玫聞之即共往迎疾入其室三日卒遂買  
地以葬瑤先玫二年卒之日玫束其  
遺稿藏之明年火樓燬平生撰述俱盡

### 國朝

### 章士斐

字淇上諸生一桂子九歲喪母又一年而喪父  
育於繼母高氏章氏故饒資一桂歿後為弟一

### 錢塘縣誌

### 卷之二十二

人物文苑

### 十三

槐蕩廢都盡意寡嫂之旦晚去帷而此藐諸者必不  
克成就也是時士斐纔十有三歲耳奉祖母徐繼母  
高僦市樓一椽以居爨爨不黔或三旬九食而性喜  
讀書家貧不嘗得油會承重祖母喪輒就棺下燈燭  
而讀之嚴寒無被覆以衰麻卷縮戰慄聲與歌誦聲  
間出隣人聞而憐哀餉以餅餌士斐進以奉母母不  
食伴曰已食矣還在累母至此欲往沈於河母高覺  
曰徒以不孝孤在累母至此欲往沈於河母高覺  
及之母子相持而泣高曰兒能自振拔報我有日兒  
志何短淺也且哭且行牽衣而返士斐益復奮勵鑽  
研六經以及子史百家靡勿淹貫而深自韜晦不肯  
苟出與試或強之曰吾學未成也中表農部某以荅  
郡守故世通家命其子赴試於茗乞士斐與俱堅辭  
不行母高泣責之士斐跪謝曰兒聞士君子始進必  
以正今往試亦未必售即售得為榮耶年十九受知  
於錢塘令魏士章七覆核而拔冠軍郡守學使者皆  
試第一補博士弟子員旋食餼二十人中聲名鵲起  
錢塘顧咸建嘗會課諸生手兩卷不能定甲乙適臨

川陳際泰來杭顧出以示之陳曰某卷清廟明堂之音取科第如俯拾地芥某卷奇峭幽折殆昌黎所謂鑿空構立者吾斷知爲古文作家然鴻飛冥冥非網羅中物也顧笑曰吾固取其必傳者遂拔士斐爲首而以姚元煥次之姚後成進士而士斐竟以明經老焉爲詩淡泊明淨得陶徵士風味年十歲時讀昌黎滕王閣記便悟作文無成法故嘗自關蹊徑不屑襲前人一字一語始猶伯仲退之晚則駸駸乎司馬子長矣所著有花隱亭詩文集及天台固始兩縣志評述有國語國策莊子水經注讀漢書記文選八代詩乘韓昌黎集李長吉集纂輯有玉海名山記月令廣義職林故事荆川稗編訂補行世者有治平畧士斐卒年六十有一易簣之頃時母高尚在目不暝淚涔涔下且注視久之忽疾呼阿母阿母而歿子三長戩功邑庠生能文早世別有傳次撫功歲貢生次藻功康熙癸未進士翰林院庶吉士

陳戩

字天祓早有名下筆灑灑數千言不休登順治乙未科進士歷禮部正郎出守長沙未任以親老

錢塘縣誌

卷之二十二

人物文苑

十四

乞終養凡七上臺憲不允竟以病告家居凡四十餘年足跡不入公府蕭然敝廬讀書自適巡撫趙公士麟每就其家咨訪戩於學道之外不及當世事天性孝弟父常患沉疾戩採藥天台山中遇異人授以方疾遂瘳世遺田畝盡舉予諸弟而不責以稅曰吾叨一命而不能庇弟昆其忍以催科累之乎妹適人早卒遺一女撫之無異已出士大夫以德行聞於鄉者首推戩焉丁酉典試陝西冰鑑稱得人有門生爲天台令以戩家居貧厚遺之方閩逆煽亂之後戩悉捐以贖雜民其清介又如此年八十考終於家戩一生清介不事浮華深體躬行實踐之學雖一言一動不失先民矩矱耆德如戩足以挽頹風而振末俗矣

陳祚明 字倩僉都御史潛夫之弟年十二就試學使者閱其文驚異之曰汝倩人耶祚明曰奈何倩人當面試拔置第一時有江夏黃童之目術弱冠隱居不出行文如長江大河一瀉千言筆不加點詩律工細在岑王沈宋間京師巨公聞其名爭禮聘之山陰胡兆龍宛平王崇簡引爲布衣昆弟

交命子若姪俱北面受業焉凡條奏中外利弊時政  
得失祚明為屬草明鬯割切輒報可以故朝貴促迫  
暨口並酬應世多不信有賴人得祚明其左證已歲  
入脩脯可數千金而性豪爽一切客遊長安者知與  
不知生館死殯胥於祚明是賴家故貧營葬兄嫂及  
撫遺孤姪及孤姪子女各婚娶食指凡五百餘勢  
不能息肩歸里卒客死京師所著有采菽堂詩集二  
十卷詞一卷又采菽堂古詩評選戰國策行世未  
刻有采菽堂文集三十卷床頭集十六卷子曾藪能  
讀父書年十五作靈鷲賦頗似三都  
兩京格調著有斷冰詩集十二卷

### 吳農祥

字慶百宮詹太冲長子生三歲夢醒輒啼啼竟  
輒喃喃自語至五六歲方止乳媪諦聽之所言  
似類永樂初靖難事者少時異敏一覽成誦家有賜  
書父友鄭觀察賡唐錢太守喜起朱明府稷錢明府  
朝彥咸折行輩與交好古之士自遠方至者婁東雲  
間金沙候官皆造請邀致堅謝不通既稟父遺訓亦

### 錢塘縣誌

### 卷之二十二

### 人物文苑

### 十五

自以出與王許子弟為群在裘馬褻履間非其好也  
鍵戶讀書欲以著述成名茹經涵史馳騁百家然不  
妄作常語人曰為文當有關輕重非偶然者故雖伶  
人賈豎應其請乞皆有挽世末流咨嗟愛惜之意或  
有病其多者唯司空陳鼓永識之曰此盛世景卿麟  
鳳也經國宏業固賈生晁令之儔即雕蟲小技亦相  
詔大臣諮訪博學宏詞為公卿所推重如此康熙戊午  
秉直又以名聞咨送入京  
召試太和殿俄為忌者所中報罷歸而網羅當代之遺聞  
蒐輯勝國之軼事著書自娛詩不下萬餘首多比事  
託詞之旨激昂發越蓋旨漢魏以迄三唐詩人以來  
未有若祥一文辭之富者總督尚書李之芳既定閩亂  
聞祥名請一見祥亦以有大功於浙願往謁之至  
則長揖就坐翌日宴之射堂命軍中射以侑觴而屬  
祥卽席草露布祥口占援吏執筆立書數紙詞義闕  
整已復從容陳善後數事李大驚曰今日乃見君幹  
濟才欲留之幕中祥辭讓歸某山林麋鹿非幕下

材且平生嘗笑徐渭今乃身自蹈之耶李知不能留  
乃聽之歸祥為人剛介亮直其為文條貫五經而尤  
精於易與蕭山毛奇齡友善嘗論五經同異及宋儒  
性理之學質疑送難反覆精析然不肯苟同所著書  
有補錄文獻通考八十卷綠窻讀史五十卷明史瑣  
事一百卷唐詩辯疑六十卷詞苑六十卷輿圖隸史  
彙考八十卷錢邑志林四十卷梧園雜誌二  
十卷蕭臺集二百四十卷卒年七十有七

### 徐林鴻

字大文天才俊逸早有聲藝苑間時婁東雲間  
江左與武林諸名士各立壇坫以文章震耀一

時鴻以年少馳騁其間爭引以為重試有司輒冠一  
軍尤工詞翰上擬左氏下類兩晉人各藏弃以為榮  
一日在客座臨當遣使寸楮百函付鴻屬草信手給  
發頃刻而就會修浙省通志傳人物日可了十許傳

咸謂有良史才戊午  
詔舉博學宏詞之士巡撫陳秉直以名聞召試

闕下試後病歸遂無意仕進奉其叔元彪掃一室臨流松  
竹讀書其中作為歌詩清新典雅麗多哀怨之音嘗游

## 錢塘縣誌

### 卷之二十二

人物文苑

### 十六

滇上書當事勸立瞿式耜張同敞祠為作迎神送神  
曲絃歌之士人為擊銅鼓鳴鐵笛苗獐蠻女皆

泣下漢陽王世顯南昌王猷定客死於杭鴻為視含  
歛送其旅櫬歸太倉王昊四明周容卒京師皆為治  
喪又收其遺稿歸付其家人所  
著有兩間草堂詩文集四十卷

### 張遂辰

字卿子其先江西人父徙錢塘因家焉少時穎  
異不屑為舉子業喜讀史漢百家言遂工古文

一遊成均由吳江渡秦淮涉金焦過牛渚董文敏公  
其昌陳徵君繼儒見之曰天下奇才也因交李流芳  
錢謙益輩聲名藉盛幼善病日檢醫方因遂以醫名  
辰博綜典故考究古今無不精核年老益謙謹日讀

書不倦詩格在右丞襄  
陽間年近八十始卒

### 徐元倬

字為章負雋才童時詣舅氏張青林所時高會  
大幔亭上張指亭為題曰汝方業文選能對客

賦之否倬援筆數千言舉座嗟賞張摘其中賔錢日  
月吐納烟霞二語榜其楹十六餼郡痒為中人嚴氣正



性不妄與時流接與其弟元彪鍵戶讀書以尊遺經  
砥俗學為已任未嘗懷半刺謁人嘗嘆經義蕪穢後  
進小生類皆剽耳傭目茫無根柢故其為文必深入  
理窟而以清真出之力追正始會申西多難遂栖遯  
以老杜門伏枕足踪不履闕外所著有壑存集三十  
卷湛華樓詩集三十卷卜泉篇十卷山圖別集四十  
卷

### 吳山濤

字岱觀晚號塞翁領崇禎已卯科鄉薦三任廣  
文授陝西鞏昌府成縣令彈丸小邑當兵燹殘  
破之後錢糧協濟極為民累抵任力請題改邑人至  
今猶建祠祀之二年即致仕終老吳山越水間嘯歌  
自得書法飄逸能自成家畫不入蹊徑殘山剩水揮  
毫自如然往往為世所重出關日賦西塞詩三十篇  
詞人學士多能誦之

### 陸堦

字梯霞父運昌吉水知縣與其弟鳴時鳴燿俱有  
名當世號龍門三陸而堦兄圻弟培並以文章領

## 錢塘縣誌

### 卷之二十二

人物文苑

### 十七

袖東南一時繼起復號三陸  
皇朝定鼎培以行人殉節圻與堦奉母隱河渚圻以醫往  
來若水間而堦授生徒選藝及鄉舉程墨為龍門  
集繼先志亦以資菽水歡也會圻構奇獄全家被逮  
堦夜行晝伏剋期至京匿所親所出牒求救已而得  
釋圻出棄家為緇流不知所終而堦仍教授於家巡  
撫張鵬翮高其行聘為師集浙省能文之士皆北面  
為弟子每試堦為定其甲乙成名甚眾刻有四書犬  
成行於世

### 羅萬象

字森伯父源江萬曆歲貢授江南歙縣教諭世  
居江游學者稱為源江先生萬象早有聲壇坫  
為人篤厚純粹其教門弟子以孝弟為本文學次之  
一時江干名輩若何萃項大章何湘來並轡聯鑣爭  
衡藝苑已而四家子孫俱以科第顯而萬象卒老於  
諸生僅一子元儒誠慤有父風以父老服賈孝養而  
終無後云

沈九如

字宣子性至孝事繼母尤謹父鴻居好客遊燕趙閩粵音耗斷絕九如襍被往來不期歲奉之

以歸為文有根柢晝夜矻矻垂老以明經為江山訓導時

義屏掃膚廓癖澁之習垂老以明經為江山訓導時

然曰是非仁人之意乎僕雖儒官何忍辭其難於是

躬歷萬山自衢之九龍抵仙霞嶺穿虎狼荆棘中拾

殘骸座之為大塚十有二處其餘隨地掩埋為文以

祭之又奉檄視馬槽修梁濬灘河塞決口皆有功

轉嘉興教諭督撫聞九如博學徵修浙江通志年幾

八十矣館於貢院筆札犀利出腹筍而授之三旬而

畢病篤呼其子宋曰吾有所語汝具紙筆記之問之

矣已瞑

張芬

字子漸冢宰瀚四世孫弱不好弄博綜典故有質

其叔岐然及江浩虞宗玫鄭鉉輩創為讀書之社其

法約數人共讀一書數日務了一義盈科後進最有

錢塘縣誌

卷之二十二

人物文苑

十八

條貫學古有志之士問難不輟而芬亦以砥礪行義

狎主齊盟為已任晚耽棲逸愛西溪衡山之勝時握

書一卷吟哦其中立石拒門編荆為戶危冠大帶不

入城市兵燹後盡亡其書老年默記從空甲乙指點

雖貧且病不廢也芬性孝友祖母病衣不解帶者三

年事伯兄如事父兄卒質錢以斂撫其子不啻已出

雍穆之風

尤人所難

吳名溢

字我匏崇禎二年補錢塘諸生時復祉方行婁

舉子業不復出兩喪皆廬墓著喪禮注晚年構藥園

於城東與嚴沆查繼佐柴紹炳關鍵丁文策袁于令

祁豸佳吳山濤輩觴咏其中有藥園盍簪集查繼佐

序云明季文體詭變尚諸子百家仙釋語錄聲牙佞

屈之文溢乃沉酣六經蔚以實義作麟經詮解考三

傳互異折衷諸家為春秋詳注嚴司農沆嘗語人云

林巒標致當年七十有六

李式玉

字東琪少雋異讀書過目成誦年十七補郡庠諸生十應鄉薦不利遂謝病去專力著述六籍

而外九流諸子旁逮外家雜說凡奇文古字罔不搜討故其文詳贍閱肆能盡達其意所欲言尤善詩歌  
精音律所著有魚川前集二集  
巴餘集春城樂府三都樂府

吳秋

字雁市十歲能詩即自負不宜下人已乃見章士斐遂驚禮曰是吾師也士斐於古文則尊昌黎於

詩則尚孟郊盧仝而秋則創為生割排突之調跳蕩自喜遊京師諸貴人招之不往遊西江李侍講來泰集名士與飲酒酣大聲曰吾浙中名士僅四人問其故則曰吾師章淇上次則吾宗慶百志伊問其四不答時多浙人在座深惡之康熙甲寅由閩入粵值兵亂所善友為亂兵所縛徒步千里往救之轉客沅湘間歸而發病且卒嘆曰吾死無繼吾為古文詩者天也

吳岩茂

字念溪家貧力學砥行尤工於詩性好山水每出游歸即成帙從游者日廣晚乃參究伊洛之

錢塘縣誌

卷之二十二

人物文苑

十九

學盛暑嚴寒不輟注西銘太極諸書為士林所傳誦卒年八十有二所著有環山樓文集

郎星

字友月與虞汝翼友善兩人俱雄才博學嘗與人論古今廢興縱橫貫穿斐然可聽品格高峻務以

氣壓時流得一奇快士必徧告同學借以齒頰不靳也星試有司冠軍者四十有九卒不遇所著有楞嚴四書合疏萬安縣志

毛先舒

後改名騏字釋黃生而早慧篤志嗜學六歲能辯四聲工詩善屬文為陳司李子龍所稱賞時

文社方興舒與張綱孫沈謙陸圻柴紹炳孫治吳百朋陳廷會丁澎虞黃吳相倡和稱西陵十子山陰移都憲宗周講學於戴山舒執贄問性命之學坐語移白及退宗周謂人曰毛生久以篤學擅名豈非東南之寶乎無何竟棄舉子業肆力於古辯析反覆必本經術有鄭玄王肅之概詩以大雅為主文自兩漢暨唐宋俱兼其體與修浙江通志所登必擇忠孝節義事人咸嘆服顧好談聲韻著韻學指歸謂字有聲節有

音有韻而韻為尤要顧韻有條一日穿鼻二日展

輔三日斂脣抵齶五日直侯六日閉口又撰唐

### 虞汝翼

字異羽生而穎異為人談忠孝事撫掌驚四座

意所不可輒面斥之翼家世以儒顯弱冠即擅

### 沈謨顯

字靖宸少穎悟博涉經史百家年十九補諸生

試輒冠軍為文理法純粹時徐太宰潮方就外

傳贈公欽安以為微某莫可師者因延家受業焉顯

業日進理益淵邃而文益高老四方來學者戶外之

輟恒滿甲午闈卷俛得復失癸卯以貢入太學丁巳

選石門訓導設六條以課士薰其德者悉成令器顯

為人師最有法度授以經學具盡淵源門弟子登科

第者上則以勳業顯其次亦文雄一時如徐太宰潮

顧進士鐔其最著者也顯性孝友一門內順睦為人

煦和冲穆尤篤於姻戚有以緩急告者傾囊以應不

贖之不惜有無已未

責償甲寅紫琅山寇竊發難婦轉徙流離者百計營

詔舉天下博學宏儒之士當局者欲薦之堅辭

不赴越癸亥而卒所著有澹園詩文等集

陳晉明 字康侯侍御潛夫季弟潛夫既以節死晉明偕

失母歡將撻之晉明隨自伏地受責曰母無傷手後

博極群書尤耽於詩學造沈宋王岑之室而要歸於

### 王脩玉

字倩修父名世明歲貢為鄱陽令修玉性至孝

夜露薌祝天願減齡益祖母壽忽夢黃衣人示朱書

九十三字後竟符其數父以誣獄被逮吏卒環之嚴

脩玉往視鞭笞交下不為動父在縲紲凡飲食溲溺

俱脩玉手報其勞後卒得釋弱冠以第一餼於郡庠

## 錢塘縣誌

### 卷之二十二

人物文苑

二十

家貧囊殮不給不廢吟咏以故學益淵邃制府趙廷臣以厚幣聘教其子脩玉不忍違諸生去固辭中丞

范承謨嘗語學使曰君知王某乎不獨其文可重人尤可師也歷試鄉闈十有七詭得復失者三戊午貢

京兆時徐太宰潮以詞林分校得脩玉卷嘆曰此名儒宿學也拔第六部授邑博士當是時

天子方下詔舉博學宏儒科嚴司農沆王都諫某擬以名上脩玉堅辭歸家益貧日常一食暑月著故綿衣恬

如也因號恬翁性方嚴不可惑以非義於人落落難合既定交久而不衰與毛先舒吳任臣虞黃吳徐旭

武齡輩訂詩文交世稱鷲山十六子楚術士朱方旦至武林官吏以下皆執弟子禮每出男女擁簇門人或

欲往謁脩玉止之曰術家妄言禍福與之遊多不測憂况方旦復侈談理學諛者謂過程朱更相銜耀敗

亡日矣未幾朱果被劾棄市株連者甚夥衆始服其先見平生著作甚富而尤工於詩少與西陵十子相

倡和中年好遊覽因探禹穴登岱峯入闕里拜孔子廟堂至天台訪石梁之勝凡遇於境而觸於心者悉

發之於詩以故神明變化純任自然晚而益進著有汴遊松壑蕭遠堂據梧叢說等集各如干卷卒年七十有

者私謚曰文節先生

徐繼恩

字世臣性至孝父病刲股以進而愈繼恩生而早慧博極群書補博士弟子與陸圻培柴紹炳

吳百朋孫治友善以文名雄於時中崇禎壬午副車鼎草後絕意仕進遊於方外所著文辭甚富有周易

畧解漆園指通師古堂集諸書行世

孫浣思

字嘉客少為諸生名籍甚屢試輒高等明季東南盟社蠹起爭得浣思為壇坫主而浣思又愛

賔客四方來謁者履常滿戶外勅中厨辦肴核劇談賦詩累日夜不厭罹祝融者再家益貧晚年閉戶著

書為樂卒之夕口占絕句四首端坐而逝

沈佳

字昭嗣兒時即有志伊洛之學及長著名儒言行錄大全粹語春秋學徵脩浙江通志及一統志晚

年著易大象說易解明代人物考樂府中聲蒼野集  
省愆錄皆研窮性命之書所居名學士園自少壯以  
至通籍及歸養未嘗輟書卷武林士大夫推佳為學  
者登戊辰進士授監利縣令抵任八月以終養歸復  
補安化縣卒於官親喪三年麻衣粗食  
哀毀骨立佳篤於根本故能盡孝道云

### 孫治

字宇台少穎異通左國春秋喜秦漢文故其為文  
沉鬱入古與弟洽為諸生祭酒隱居教授講學湖

濱友人陸彥龍臨歿托以女治擇吳任臣妻之吳百  
朋宰南和客死治往經紀其喪性廓落不羈然好獎

拔士類卒年  
六十有五

### 章戡功

字服伯母沈孕二十四月而生生而髮覆眉目  
三曰父士斐試其啼聲曰此再來人也幼凝重

不苟言笑九歲通五經捉筆能文章屢躋童子試年  
三十八始受知督學劉霏案發而戡功歿已四日矣  
歿之夕隣人露坐見火光迸屋梁出升墜者三群方  
喊章氏火既而聞舉家哭聲咸詫異之戡功善詩古

## 錢塘縣誌

### 卷之二十二 人物文苑

二十二

文纂輯新舊唐書六十二卷尤精點染師董巨惜少  
存者妻羅氏苦節四十年以弟藻功子繼泳為後曲

盡色  
養焉

### 顧龍文

字仲御生而溫恪不妄言動為文宗先正屢試  
與弟豹文互冠軍世咸謂顧氏二難順治初文

章之士通南浙稱盟會水火異同所在馳驚龍文杜  
門不與獨與陳國器朱建寅錢世瀚鄧維垣馮上驤  
輩為性命交性尤孝友約已  
和而介為同類所推重云

### 葉大緯

字緯如長身高步每盱衡時事援經據史聽者  
開發篤於友義順治初謝諸生住駱村不入城

市甲午侍御姜圖南言於督學此天下才不可失檄  
使復諸生已酉舉於鄉未幾病卒所著有嶽表堂集

### 朱大點

字幼鴻弱冠以才名聞於時與江起蟄友善為  
諸生都講擁臯比升上座長筵廣席環而侍聽

者日凡百十人所著  
有易解三十二卷

江起蟄

朱負氣抗直不少假是非而獨善處人骨肉間與

從游者日廣所著有講易敷言十卷

鍾越

字異度少負軼才游太學於書無所不綜好購書

而與許璣鄧名揚

許璣

字天儀為諸生以文明於時崇禎丙子中副車與

鄧名揚

字左名性至孝年十五與尺周禮考工自有注

俞龍友

字雲君幼孤嗜學為諸生試輒高等與鄧名揚

友輒不怡為詩新穎出人意表子星留少孤能屬文

湖為七郡水利一書未竟而卒

錢塘縣誌

卷之二十二

人物文苑

二十三

蔣庸

字不易通諸經尤粹於易著解一編行世

張競光

字又兢推官懋忠子年五十學為詩有建安

吳農復

字敦仲太冲次子少年操筆即能為文作蚊檄

黃相國道周所賞六赴棘圍得而復失復性孝友嘗

洪吉符

字原明崇禎舉人績學工文精楷法與兄吉臣

施瑞麟

字儀吉為文博每試輒高等大學士黃

詔求實學以策論取士瑞麟謂機曰士必明孔孟程朱之

理而後可以議論經術柰何舍本而求末乎機遂疏

請復制舉義門下士多取科第去而瑞麟顧以明經

老為兒時割股以療父疾其後子裕真幼見其創而

問曰此何為者麟語之故裕貞曰行孝當如是麟曰

脩德礪此行顯親揚名乃謂之孝今不得已傷其體膚

未足為孝也瑞麟著書甚富而屢燬於火其僅存者存古堂詩集十二卷

### 汪之涵

字偉生原籍新安今徙錢塘開朗通達遇事能斷國初當事以人材薦當除邑令謝不往乃署餘杭訓導捐葺學宮請廣泮額嚴侍郎沆稱其端規礪俗有胡安定之風邑紳士為勒石明倫堂以頌之未幾謝去歸家後著書自娛蕭然物外年八十餘卒

### 沈蘭彧

字方稷幼聰穎絕人年十一應童子試作大樹賦見賞於司李雲間陳子龍十七歲補博士弟子嘗作太祖平元賦當世艷稱之年十九國朝鼎建即與兄蘭先及同志諸人講學河渚不與試事室常屢空晏如也中年深究易理作易義炳闡明先聖之微義其後授經弟子執經受業者甚眾為學以躬行實踐為本不屑屑為章句天性孝友事父母以色養稱敬愛兄弟處族黨姻戚間一以誠意孚人晚年益從事心性之學子位中性篤篤孝言論不苟受業於應搗謙之門其學一以誠敬為歸歲時祭祀必

## 錢塘縣誌

## 卷之二十二

人物文苑

## 二十四

齋戒易素服朔望展墓常徒步數十里講學棲水操行端方友愛諸昆弟尤為篤至弟用中歿位中自棲

水歸拊尸一慟得喀血之証而卒殞之日諸親朋聞之無不隕涕

### 施清

字伯仁少穎悟篤學嗜書為伯邦曜所知及長工課士嚴而有法除陝西布政司經歷尋知巴州會應詔舉博學弘詞試

闕下歸數年起廣州判以內艱歸補永州主岳麓書院講席學者雲集所著有十三經異同解攬雲懷新等書

### 陸堃

字左城吉水令運昌第六子少有文名藻思綺合所至皆有逢迎幕府羅而致之軍書旁午數千言立就所著有

### 洪昇

字昉思少負文名車轍至止公卿大人咸虛席以待尤工樂府宮商五音不差脣吻旗亭畫壁間時聞雙鬟謳誦之以故兒童婦女莫不知有洪先生者顧性落拓脯修所入不啻數千金隨手散去尋以老



病歸里而卒

### 裘之雄

字偉南篤學砥行以文名顯於時甲申後絕意仕進士大夫非造門延訪不一往見與朱東觀陳廷會及其甥陸圻堦相契好時稱其特立獨行比古之婁師德云所著有天申記時物令序纂歷代史傳紀畧諸書以子陳珮貴贈如其官

### 錢照

字水鑑幼即能文十七補諸生試輒冠軍時文社方興照與兄封狎主齊盟四方之士負笈徒步而來者咸願出門下以為榮受其指畫無不拾青紫以去而照卒以諸生終已酉闈中文為主司所賞得而復失遂罷試尋卒

### 仲恒

字道久父敬則以文行著於鄉載郡志恒九歲能文長負氣節事母金少不憚即長跪俟顏霽始起伯兄鼎遭謗下獄恒未弱冠變服為傭保策應得脫居常泊如與其婦鍾校讐卷帙或累月不出庭戶於

## 錢塘縣誌

## 卷之二十二

### 人物文苑

## 二十五

書無所不讀所著有四書彙纂二十卷大禮簡四十卷春秋井觀三卷宋詩鈔萃十二卷詞學全書四十卷淇園文集十卷編年詩鈔八卷題虹詞六卷學者稱雪亭先生婦鍾忠惠公化民女孫名筠字蕢若以賢孝聞所著有梨雲樹詩餘三卷琪園詩文集四卷子清有經術能世其家

### 錢彥雋

字聖楨淵靜嗜學幼即潛心經史嘗赴越省祖墓遂應試為山陰諸生弱冠遠遊秦豫與新鄉呂中丞叔琳楚黃張侍講希良華山王徵君弘講論經學著有冠禮易從古皇帝考古史異諸書晚益肆力實學與毛奇齡沈佳王復禮輩集四方宿儒傲釋奠禮設經會於學士樓有曾子問大學講錄行世天性孝友幼喪母哀燬如成人色養耄父委曲先意及卒執喪旦夕不離苦塊會隣火夜發倉皇度不可救烈焰中猶衰經杖跪呼號欲殉按察使于準急率役舁柩得全年六十七卒

### 王丹林

字赤抒康熙乙丑拔貢授中書舍人丹林年十五喪其父祖所分貲產約三千金盡推與其仲

兄章為之綜理兄亦欲成就其弟凡米鹽細務戶外  
交際事不以累心而丹林乃得專讀書與沈佳凌  
紹焜顧兆麟輩訂德音會風雨不輟丹林善屬文  
試必高等而屢躋省闈其在京師刻意為詩麗而有  
則終中書舍人病歸卒年五十一子宸雋善書供奉  
內廷

### 吳容

字端公早慧八歲通五經鉤索馬鄭毛杜諸家遇  
三代器物舉對如目前事父農祥嘗嘆曰吾家讀

書得古人法者其屬之此兒乎容少受業沈均陳廷  
會之門兩賢為東南碩儒及門甚廣而以容為首年  
十七博諸生為文屏去一切馳騁時態詩婉而多風  
尤善書喜李北海與修浙江通志及杭郡志卒之日  
年僅三十有一先是容嘗有詩云處世多孤憤因循  
病易成洛陽空賦鵬祇恐不長生或怪其非吉至是  
果兆斯識云所著  
有秋吟集十卷

### 吳以鏞

字在梵幼孤與伯兄某竭力養母以孝反聞鼎  
革後隱居教授不求仕進家藏書數千卷手定

## 錢塘縣誌

### 卷之二十二

人物文苑

### 二十六

丹黃凡有裨於世道人心者鈔集成  
書名迪德錄徵士吳農祥為之序

### 周世傑

字沛甄原籍常州隨父宦游遂十居錢塘少穎  
敏十四補諸生為文縱橫排蕩工詩與王脩玉

齊名修玉以學勝而傑以才勝嘗謂詩貴自出性情  
袁不擬劉高不仿薛何必步趨先民循循規矩也歷  
試不售貧甚詩益工年七十有七  
卒無子所著有觀離草堂等集

### 張颯

字禹臣為人木訥寡言笑而善讀書好談古忠義  
事受業章士斐之門為詩初從宋人徧取宋人集

甲乙之將以問世不果後取漢魏六朝詩誦之詩益  
工嘗就正於毛奇齡奇齡為訂定題其卷首曰三百  
篇章撫功為之序所謂雪巖詩  
集者也卒時八十有七無子

### 戴大受

字與可別號華琳早年即棄舉子業志古學博  
聞強識自別號華琳早年即棄舉子業志古學博

五經傳註精研之為窮理盡性之學而尤邃於性理  
一書鉤元探奧因喟然曰聖賢之道聖賢之心也聖

賢心即吾心也蓋與宋儒之默契道體相印合焉嘗中夜賦詩有靜契羲圖明月近壯觀帝典惠風和之句又俯仰悠然而孫吾自少至老每十年輒成一書皆此居恒語子若刻行世者曰世寶錄醒心錄蓄德錄手自編錄其已刻行世者曰世寶錄醒心錄蓄德錄皆集古嘉言懿行條分而品節之多與人為善之意其老年剩草及美拙百咏多發抒其胸次所得云年九十

諸匡鼎

字虎男少而博覽群書壯喜出遊間就鉅公幕擊舟負笈率攜書籍以行暇即纂述故一生所

著有橘苑詩文集者是也子璧發能世其業所稱說詩堂集者是也子璧發能世其業

沈鏞錫

字子方負軼羣之才聲振庠序為文洋洋灑灑貫穿秦漢唐宋而尤精於左史二家言詩愛玉

溪生曰登老杜之堂而免於傴拙之弊者惟義山一人耳以醫世其業望沈君來如望慈父母來則應手輒愈自督撫下咸敬禮之嘗延坐竟曰與談經濟事掀髯長嘯丰采奕奕動人人亦莫測其底蘊也

錢塘縣誌

卷之二十二

人物文苑

二十七

陳成永

字元期性孝友少雋異工文章康熙丁巳領浙江鄉薦辛未成進士甲戌殿試授翰林院庶吉

士以內艱歸尋卒不竟其用論者惜之所著有攸好德堂集

孔衍昌

字旦華至聖裔少魯力學攻苦丙夜不休乙酉補諸生旋以五經中式時衍昌年纔二十一耳

儒雅翩翩哀然首選同學者咸望塵不及而衍昌絕不以此自滿性孝友篤於友誼平居多撰著善書畫年不竟才僅二十九而卒士論之

姚廷益

字師幼聰慧喜讀書博學強識外無所好十餘歲已善屬文十四補郡文學有名諸生間旋

以拔貢入成均試輒冠多士為文章根本秦漢反剗以樸削偽以具時司農嚴沆侍御顧豹文東南壇坫之宗深器重之為序其遜志堂文集行世康熙癸亥

詔修各省通志浙撫中丞王國安禮聘名流皆先達紳士唯廷益與今翰林章藻功以年少預其中謁選至京

師掄才授中書舍人得疾馳歸遂卒廷益事親孝父  
士章疽發於背危甚諸醫皆不能治廷益徧禱於神  
不應時有善乩者奉呂祖頗神驗廷益復泣禱請以  
身代俄而乩動云賜汝丹一粒及視之果丹一粒調  
以進父服之痛立止遂愈一時傳以為神然廷益年  
竟不永人皆惜之有烈山遺稿詩五卷四明山人李  
岷源為之序納言  
楊鼎誌其墓云

### 張錢澧

字佩兵幼穎悟年二十一受知於督學姜櫛拔  
置第一生平耽吟咏家貧嘯歌不輟然困於諸  
生鬱鬱不得志而卒  
所著有平壽堂稿

### 汪于高

字昭武號睡菴孝子之萼子萼病南屏山中高  
年十一求省其父迷所向遇親故欲挈之歸不  
可因與偕往父卒事長兄折節循謹不求仕進儒隱  
於家善讀史過目不忘晚尤粹精於易謂消息存亡  
之理可以會天地於一身作為歌詩閒遠淒切尤善  
擘窠書所制筆長八尺曾書觀白在菩薩五字於天

## 錢塘縣誌

### 卷之二十二

#### 人物文苑

### 二十八

竺山門卒年六十有三妻吳氏性至孝事姑有道  
相夫子凡親戚流離失所者脫簪珥以周給之

### 茹之宏

字高字高字高字高字高字高字高字高字高字高  
等名籍甚晚棄舉子業出遊湖湘間探二酉  
之勝後歸隱邑之安溪坐臥一小樓雖鄉曲  
罕識其面年八十三卒子鑣鎬俱有文名

### 陳廷璋

字克涵幼慧才思敏捷性篤孝事父色養備至  
康熙辛卯以五經舉浙江鄉試第一再上春官  
不第尋卒兄廷度  
有詩名亦早世

### 汪霖

字我浚平篤學嗜書手披經史暑寒不輟尤以  
至孝譽鄉黨生養死葬莫不當禮持身正毅人  
不敢干而物復極和易後以明經司鐸樂清風  
山邑士鮮行采以器識文藝勤加訓課有安定風  
且於士之乏者損其俸資以助膏火  
既歸猶築園誦讀其中聞者稱之

### 顧澄

美修鬣丰采奕奕所至輒傾古  
笑問慮無不立為排解王詩古

文詞旁及岐黃卜筮家言廣交遊主壇坫著有

李瑛

字月丹醇謹朴茂讀書外無所嗜授徒四十年門

初盛有集四卷

汪岳

字岳如汪之琦子也穎悟過人十歲能文章十五

人有過必面叱然無成心世以此多賢之老乃厭棄

真意在有舒嘯堂詩文集十卷

凌克蕃

字宗翰凌故鉅族克蕃又名父子折節讀書下

老惜哉

袁大任

本名梓字楚良因不利童子試更今名遊庠輒

錢塘縣誌

卷之二十二

人物文苑

二十九

數奇不偶門下士掇巍科者踵接性溫和與人少所

其詩文以珍諸笥

潘杓爍

字象承號月山磊落英多為諸生不屑屑供帖

績著未信編及筮仕諸書行世一時為之帑貴父楫

之以人命為兒戲者其度量何如也

沈雲鑣

字軼凡温温循道寡笑言文有靜穆氣間為詩

堂上歡親歿終身茹素

周晉

字錫蕃邑庠生沉靜淵默一介不輕取與工文

王元斌

字滄序每試輒冠一軍已已

翠華南巡江浙元斌獻太平一統賦  
顧問稱獎名動公卿間歷試浙闈三以五經應舉經義湛  
深原本注疏絕非時流襲取者比屢爲主司所賞限  
額卒不與爲人倜儻豪邁而制行不苟母得危疾與  
弟元穉剖股合煎湯進病立愈與人交然諾不欺粵  
東學使臧大受聘閱文中途輿人以兼金密餽求爲  
邑子入泮元斌怒叱去而嘿不發其事及門如沈近  
思輩得其指授皆以名顯偕徐太史杞遊桂林病卒  
太史爲歸其喪著有  
寶言堂集滄洲遊稿

論曰昔聖人刪定六經以授門弟子而游夏始以文  
學著及聖人歿而微言絕七十子終而大義垂陵裔  
於戰國燬滅於暴秦至漢文始求遺書伏生申公轅  
固韓嬰毛萇之徒稍稍間出默識口授補綴殘闕而

賈誼董仲舒蔚爲儒宗其餘諸生多講論同異史記  
之傳儒林儒林卽文學也以其博學洽聞通達經術  
有功於聖道也自范曄後漢書儒林之外復有文苑  
於是始分之爲二夫東漢之末漸趨排偶協之以宮  
商飾之以華艷至六朝而極於靡麗斯文之弊也甚  
矣然則果可謂之文學歟賴昌黎挽之於前歐陽正  
之於後至周程張朱出而理學之風遂盛於宋於是  
文苑儒林又析之爲三其不可謂之文學歟夫去聖  
愈遠則其末愈分其弊旣滋則其返必速易曰同歸

而殊塗一致而百慮儒林文苑理學非有殊也而兼之爲難專而精之爲尤難故嘗求其人於科目試之以制義非理學歟試之以明經非儒林歟試之表判觀其弘博試之策論以覘其經濟非文苑歟乃科目之內百不得一二焉而所謂儒林文苑理學之士又不必皆科目中人其故何也吾錢塘無埋學自宋迄於

本朝僅得三人焉曰張九成郎曄應撝謙儒林十八人曰范平全緩輩乃文苑則稍廣矣考之前史亦然然則

錢塘縣誌

卷之二十二

人物文苑

三十一

工文章者代不乏人也其所撰述果足升游夏之堂而不背於聖人之道吾不得而盡知之也大雅君子其爲我鑒別之